

Ba Vise-Xefe Estadu-Maior Jenerál F-FDTL nian – **Brigadeiru Jenerál Filomeno de Jesus**; distintus konvidadus; no partisipante-sira ba KOA MOANA 2017 (rihun rua sanulu resin hitu). Ha'u kontente mai fali iha ne'e iha dadeer ne'e hodi selebra konkluzoan ho susesu ida tan ba ezersísiu Crocodilo.

Ha'u bele dehan katak imi hotu halo ona buat barak dezde ha'u haree imi iha serimónia abertura iha semana kotuk. Maibé grasas ba imi nia serbisu no dedikasaun makaas, ita hein ba oin bele haree melloria signifikante iha koordinasaun ba futura operasaun-sira ba Ajuda Umanitária ka Responde ba Dizastre iha Timor-Leste.

Relasaun amizade no profesionál-sira ne'ebé kria ona iha semana rua liu ba nia laran fó kbiit ba ita atu responde ho lalais no efetivu liu tan ba ezijénsia-sira emerjénsia nian. Hadi'a liu tan ita nia kapasidade-sira ba serbisu hamutuk sei benefisia ita nia militar-sira, iha tempu hanesan mós promove dame no estabilidade iha rejiaun.

Imi nia ezemplu hanesan prova ida katak lasus entre Estados Unidos no Timor-Leste sai forte liu tan ona. Ezersísiu CROCODILO hatudu katak kolaborasaun ne'e mós haluan liu tan ba too ita nia belun pesoál militar-sira husi Austrália no parseiru xave-sira seluk iha Ázia Pasífiku. Loron ida ne'e marka kapitulu foun ida tan iha ita nia erforsu-sira ne'ebé lao dadaun hodi hadi'ak liu tan seguransa rejionál.

Ha'u hakarak taka ho dala ida tan fó obrigadu ba Timor-Leste tanba sai ona umain di'ak tebes ba ami-nia pesoál vizitante-sira militar Estados Unidos nian. Parabéns ba F-FDTL no Mariña Estados Unidos ba ezersísiu ida ne'ebé susesu tebes. Ami apresia tebes imi-nia kontribuisaun-sira ba ita nia relasaun bilaterál atu sai-boot liu tan.

*Obrigadu barak!*

